



Jan-Helge Lavik
Langhøyane 37 A
5936 MANGER

Referanser:
Dykkar:
Vår: 21/6735 - 21/60345

Saksbehandlar:
Hogne Askeland
hogne.askeland@alver.kommune.no

Dato:
14.09.2021

Løyve til utslepp av avløpsvatn frå basseng - gbnr 445/352 Manger nedre

Administrativt vedtak: **Saknr: 952/21**

Byggestad: Gbnr: 445/352
Tiltakshavar: Jan-Helge Lavik
Ansvarleg søkjar: Jan-Helge Lavik
Søknadstype: Forureiningslova § 11, jf. forureiningsforskrifta § 12-3

VEDTAK

Med heimel i forureiningslova § 11, forureiningsforskrifta § 12-5 vert det gjeve utsleppsløyve for avløpsvatn frå basseng på gbnr. 445/352 Manger nedre på følgjande vilkår:

1. Utsleppsløyve vert gjeve for symjebasseng med storleik på om lag 27 m²
2. Avløpsvatnet skal førast fram til kommunal drenskum som vist i situasjonsplan.
3. Før nedtapping skal bassenget stå utan klortilførsel i 14 dagar. Klormengd i avløpsvatnet skal vera tilnærma null ved påslepp til kommunal drenskum.
4. Utsleppet skal til ei kvar tid tilfredsstillast krav i Forskrift om begrensning av forurensing, § 12-7.
5. Tiltaket er søknadspliktig etter Plan- og bygningslova. Søknad om løyve til tiltak må sendast inn og godkjennast før arbeidet kan setjast i gang.

Saka gjeld

Saka gjeld søknad om utsleppsløyve for avløpsvatn frå basseng på gbnr. 445/352 Manger nedre. Bassenget har ein storleik på om lag 27 m² og mengd avløpsvatn vil vere om lag 40 m³. Utsleppet vil skje over fleire dagar. Det er opplyst i søknaden at før nedtapping skal bassenget stå utan klortilførsel i 14 dagar. Klormengd i avløpsvatnet skal vere tilnærma null ved påslepp til kommunal drenskum. Det er også opplyst at det vil verta tatt klortest av vatnet før nedtapping.

Det vert elles vist til søknad mottatt 30.07.2021 og supplert 17.08.2021.

Planstatus

Eigedomen ligg i regulert område innanfor det som i reguleringsplanen for Urhaug C er definert som areal for bustadformål.

Nabovarsel

Tiltaket er nabovarsla i byggesaka, sak 21/5625.
Det ligg ikkje føre merknader frå naboar som er varsla.

Uttale frå anna styresmakt

Saka er sendt på høyring til VA-avdelinga i Alver kommune i internt notat av 17.08.2021.
Det ligg ikkje føre uttale frå VA-avdelinga innan 4 vekers fristen som var sett i høyringa.

Passering

Plassering og utsleppsstad er vist i kart datert 01.06.2021.

VURDERING

Søknaden om utsleppsløyve kan etter kommunen si vurdering godkjennast med utslepp av avløpsvatn frå basseng til kommunal drenskum som vist i situasjonsplanen.

Kommunen legg til grunn at eksisterande overvassleidning er i forskriftsmessig stand.

Godkjenning etter andre lovverk

Før arbeidet med etablering av anlegget kan setjast i verk må det søkjast om løyve til tiltak etter plan- og bygningslova. Både søknadsprosess og utføring må takast i vare at eit kvalifisert føretak som kan godkjennast som ansvarshavande innafor ansvarsområdet ansvarleg søkjer, ansvarleg prosjekterande og ansvarleg utførande.

Mynde

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegasjonsreglement.

Klage

Enkeltvedtak fatta i medhald av forureiningsforskrifta kapittel 12 kan klagast på til kommunestyret eller særskilt klagenemnd, jf. [forurensningslova § 85](#) 2.ledd og forureiningsforskrifta § 12-15. For enkeltvedtak fatta av kommunestyret er Statsforvaltaren klageinstans.

Enkeltvedtak fatta i medhald av forureiningsforskrifta kapittel 13 kan klagast på til Statsforvaltaren, jf. forureiningslova § 85 2.ledd og forureiningsforskrifta § 41-5

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast. Før det kan reisast søksmål om vedtaket er gyldig eller krav om erstatning, må høvet til å klaga på vedtaket vera nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller vert arbeidet innstilt i lengre tid enn to år, fell retten til å etablere utsleppet vekk, jf. forureiningsforskrifta § 12-5 4.ledd og § 13-5 4.ledd. Om utslepp framleis er aktuelt må ny søknad sendast inn.

Tilsyn, endring og opphøyr av løyvet

Kommunen er forureiningsstyresmakt og fører tilsyn med at føresegner, lovverk og vedtak fatta i tråd med forureiningsforskrifta kapittel 12 og 13 vert følgd. Forureiningsstyresmakta har rett og plikt til å utføra tilsyn med avlaupsanlegga. Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnader knytt til tilsyn og kontroll, jf. forureiningslova kap.7.

Om utslippet fører til uventa forureiningsproblem, kan forureiningsstyresmakta oppheve eller endre vilkåra i utslippsløyvet, setja nye vilkår og om naudsynt kalla tilbake løyvet i samsvar med forureiningslova § 18 og forureiningsforskrifta § 12-14 og § 13-17.

Ved all vidare kontakt i denne saka, ver venleg og referer til saknr.: 21/6735

Med vennleg helsing
Alver kommune

Eirik Berntsen
Avdelingsleiar

Hogne Askeland
Konsulent

Dette dokumentet er elektronisk godkjent og har difor ingen signatur.

Mottakarar:

Jan-Helge Lavik
Jan-Helge Lavik

Langhøyane 37 A 5936
Langhøyane 37 A 5936

MANGER
MANGER